

甯海州志卷十

建置志

武備

朱晦翁曰伏至險於大順藏不測於至靜夫兵可百年而不用不可一日而不講蓋言備也甯海東北控靺鞨流鬼東南跨百濟倭奴諸部以故曩代野鳧未靖風鶴屢驚迨我

國朝經制營防早豫籌於平日措鞏固於苞桑守禦之備莫嚴於此矣志武備志兵事

魏天賜元年夏五月置山東諸冶發州郡徒謫造兵甲以備海

防見府志

甯海州志

卷十

武備

唐天寶元年設東牟守捉登州領之見府志

宋淳化四年遣秘書丞陳靖自東牟趨八角海口在州西北一百一十里今

屬福山縣

得高麗海船及其水工自芝岡島順風泛海再宿抵甯

津口登陸行百六十里抵高麗之境而高麗東跨海西距新

羅南亦跨海距百濟西北遼水北靺鞨新羅東南則日本靺

鞨東北流鬼由是觀之則倭奴之密邇可知矣見焦志

元至正十一年立山東分元帥府於登州分元帥左右監軍於

甯海軍見元史

明初仍元制分萊州衛官軍以備登州永樂六年倭夷寇成山復襲甯海而營衛寨堡之設愈嚴始置備倭都司以節鎮沿

海諸軍

橫雲山人明史藁云海內之地十有五而控海者七故海防特重洪武二十三年命山東都司周彥建五總寨於甯海衛今寨尙有其名而詳無可考矣

甯海衛元置千戶所屬萊州衛左千戶所洪武二年調於此十年陞爲衛改置指揮一十八員經歷一員鎮撫二員左右中前後五所正副千戶十二員百戶四十員所鎮撫一員京操春戍五百三十八名秋戍一千一百二十七名捕倭軍登州營六十二名文登營二百九十二名守城軍餘一千二百一十名種屯軍餘三百九十一名守墩軍餘一十八名守堡軍餘二十四名

金山備禦左千戶所在州東北四十里屬甯海衛左所正副千戶五員百戶十員守城軍餘二十八名守墩軍餘一十五名守堡軍餘二名

清泉寨備禦百戶所在州西北四十里屬甯海衛後所分設百戶三員守城軍餘一十五名守墩軍餘六名守堡軍餘二名國朝衛職俱已裁廢改設守備一員以前指揮李端本署其事

順治四年部選守備一員千總一員經歷一員任理衛事十六年份裁衛設甯福營

兵事

魏武時東牟人王營聚眾三千人脅昌陽縣為亂長廣太守何夔遣王欽等授以方畧使離散之旬月皆平又牟平賊從錢眾亦數千人夔與張遼共討平之

見三國史何夔傳

宋趙滋任登州會甯海乳山砦賊叛滋承檄馳入其壘得賊黨

百餘人凡五年獲賊無算平之

見宋史

甯宗嘉定十二年己卯

即金宣宗興定三年六月

李全敗金師於化陂湖金

元帥張林以青莒密登萊濰淄濱棣甯海濟南十三州歸於

宋嘉定十五年李全獲金將張惠獻捷於宋自請總一軍於

膠西當登州甯海之衝百貨輻輳互市南貨價增十倍李全

誘商人以貨達於膠西而稅其半

見宋史

金當偽齊劉豫阜昌中山東盜賊起負海數百里間獨特險僻

擾毒無所忌而往來剽掠者雨水為之衝民不得安於是甯

海陞為軍兩水鎮置福山縣則盜之咽喉扼而撫之矣

見王炎福

山令題名記

大安三年楊安兒叛於山東與張汝楫聚黨攻劫州縣殺掠官

吏山東路統軍安撫等使僕散安貞敗安兒於益都安兒奔

萊陽萊州刺史徐汝賢以城降登州刺史耿格開門納賊以

州印付之安兒遂僭號置官屬改元天順遂陷甯海州復攻

濰州七月庚辰安貞大敗安兒於昌邑丁亥夜復萊州安兒

乘舟人海欲走岬嶼山舟人曲成等擊之墜水死

見府志

貞祐二年郝儀之亂兵燹山谷廟宇殆盡

見崑崙山碑記

明洪武三十二年春二月己酉倭寇甯海指揮陶鐸擊敗之

見明

史稿

正德六年三月流賊劉六劉七聚眾萬餘攻棲霞主簿段賢拒

之二十三日賊入文登攻甯海不克乃退

見府志

七年辛未大夥流賊猖獗焚掠鄰邑騷動知州章諍嚴武備以

待之明年壬申寇直薄城下焚東門甯海衛掌印指揮王瀛

欲棄城走諍按劍曰今日誓俱死此汝何敢走瀛懼乃止遂

相與奮擊賊巢賊始却城賴以完

見焦志

十三年戊寅有妖寇磨達撒者以白蓮教惑眾反於州境縱火

甯海州志

卷十

兵事

四

殺人所至村落蕩滅無餘知州向璽督兵捕平之

見焦志

崇禎十六年癸未二月十二日甯海城破知州汪逢淵同知李

士標吏目魏世達死之

見府志

國朝順治五年于七率眾寇甯海州城尋平

敕旨遣登州知

府張象賢權授于七為棲霞把總令其擒賊自効順治十八

年辛丑冬七復據鋸齒牙山以叛康熙元年壬寅三月于逆

平

見林疇于逆紀畧

辛丑冬于七之亂州城被圍者三日時州守文公都司陳公與

邑紳李別駕挺生畫策設備得以不破

見通志

乾隆甲午王倫寇山東州城戒嚴

咸豐十一年九月南賊李成劉平等聚黨數十萬自南省擾入山東初六日入州西境初七日直薄城下初八日焚掠關廂東關團長曲緯率勇接仗寡不敵衆死傷多人城內紳富先已捐貲籌備守禦之具按戶練丁及避亂鄉民隨同會辦團練州學正王厚階登陴固守城池得保無虞初十日賊始去自初六至初十等日各鄉被害甚慘焚掠殺辱無所不至窮岩深谷無處不搜男女死者除未經報案七千五十三名男女被擄除未經報案八千二百七名焚燬房屋除未經報案二萬九千六百三十二間被掠耕牛騾馬除未經報案一萬七千九百二十二匹糧石衣物不計其數甯海自來兵燹之

慘未有甚於此者也同治二年李成等伏誅餘黨悉平